

«01» մարտի 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետ Գարիկ Դարբինյանս, քննելով «Արմեն Նադիրիան» ԱԶ-ի (ՀՎՀՀ 70990867) մաքսային ձևակերպումներ իրականացրած «ԴԱՆ ԲՐՈՔԵՐՍ» ՍՊԸ-ի (ՀՎՀՀ 06955605) մաքսային միջնորդ՝ Ալիկ Համլետի Մամուլյանի վերաբերյալ նյութերը,

Պ Ա Ր Զ Ե Ց Ի

ՀՀ ՊԵԿ ներքին աուդիտի վարչության աշխատակիցները ղեկավարվելով ՀՀ ՊԵԿ նախագահի 2019 թվականի հոկտեմբերի 3-ի թիվ 638-Ա հրամանը՝ ՀՀ ՊԵԿ ներքին աուդիտի վարչությունը 2019 թվականի հոկտեմբերի 7-ից մինչև նոյեմբերի 1-ն ընկած ժամանակահատվածում ՀՀ ՊԵԿ Արևելյան մաքսատուն-վարչության Բագրատաշենի (այսուհետ Մաքսակետ) և Այրում-Ջիլիզայի մաքսային կետ-բաժիններում (այսուհետ նաև՝ Մաքսակետեր) իրականացրել են համակարգի գնահատման աուդիտ՝ հնարավոր ռիսկերի բացահայտման և ներքին հսկողության համակարգերի գնահատման նպատակով, ինչպես նաև իրականացվող ընթացիկ աշխատանքների՝ սահմանված գործառույթներին համապատասխանության ուսումնասիրություն: Ուսումնասիրության արդյունքում հայտնաբերել է, որ Արմեն Նադիրիան» ԱԶ-ի անվամբ թիվ 05100033/110519/0002543, հայտարարագրով հայտարարագրվել է «Թարմ լոբի» տեսակի ապրանք: Ապրանքը ըստ ԱՏԳԱԱ-ի դասակարգելիս տրվել է 07102200000 ստորաենթադիրքը, մինչդեռ հայտարարագրված ապրանքը համապատասխանում է 070820 ենթադիրքին:

«Արմեն Նադիրիան» ԱԶ-ի թիվ 05100033/110519/0002543 ապրանքային հայտարարագրով ներմուծված ապրանքների մաքսային ձևակերպումներ իրականացրած «ԴԱՆ ԲՐՈՔԵՐՍ» ՍՊԸ-ի (ՀՎՀՀ 06955605) մաքսային միջնորդ՝ Ալիկ Մամուլյանի նկատմամբ ՀՀ մաքսային օրենսգրքի 203-րդ հոդվածի հատկանիշներով 10.02.2021թ. ՀՀ ՊԵԿ Արևելյան մաքսատուն-վարչության Բագրատաշենի մաքսային կետ բաժնի գլխավոր մաքսային տեսուչ-իրավաբանի կողմից կազմվել է մաքսային կանոնների խախտման վերաբերյալ արձանագրություն:

Նշանակվել է գործի քննություն 01.03.2021թ. ժամը 11:30-ին, որի մասին վերջինս պատշաճ ծանուցվել է, սակայն չի ներկայացել գործի քննությանը:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաև մաքսային ներկայացուցչին անվավեր, այդպիսով՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությանը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 401-րդ հոդվածի 1-ին և 2-րդ մասերի համաձայն՝ մաքսային ներկայացուցիչը հայտարարատուի կամ այլ շահագրգիռ անձ անցանունից և նրանց հանձնարարությամբ իրականացնում է մաքսային գործառնություններ այն անդամ պետության տարածքում, որի մաքսային մարմնի կողմից նա ընդգրկվել է մաքսային ներկայացուցիչների ռեեստրում՝ մաքսային կարգավորման ոլորտի միջազգային պայմանագրերին և ակտերին համապատասխան, մաքսային ներկայացուցչի հարաբերությունները հայտարարատուների կամ այլ շահագրգիռ անձանց հետ ձևավորվում են պայմանագրային հիմքի վրա:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ: Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է՝ մաքսային օրենսդրությանը տիրապետելը:

Ըստ փաստաթղթերի ներմուծվել է «թարմ լոբի», «Արմեն Նադիրիան» Ա/Ձ-ի կողմից ներկայացվել է ապրանքի վերաբերյալ մանրամասն տեղեկություններ, ապրանքի ծածկագիրը որոշելու համար: Ալիկ Մամուլյանը կարող էր պահանջել լրացուցիչ տեղեկություններ կամ տեղեկությունները ստանալ համացանցում առկա տեղեկատվական աղբյուրներից և նշեր ճիշտ ծածկագիրը:

Ելնելով վերոնշյալից՝ Ալիկ Մամուլյանը պարտավոր էր իրականացնել «Արմեն Նադիրիան» Ա/Ձ-ի կողմից ձեռք բերված 800 կգ նետտո քաշով «թարմ լոբի» ապրանքի նկարագրության ուսումնասիրում և փաստացի ԵԱՏՄ ԱՏԳ ԱԱ 0708200 ծածկագրով հայտարարագրում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության

մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով հայտարարտուի անունից հայտարարագիրը լրացրել է Ալիկ Մամուլյանը:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական իրավախախտումների վերաբերյալ ՀՀ օրենսգրքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտնաբերելու օրվանից երկու ամսվա ընթացքում, սակայն ոչ ուշ քան իրավախախտումը կատարվելու օրվանից 3 տարվա ընթացքում:

Այսպիսով, նյութերով պարզվել է, ՀՀ-ում գործող «Արմեն Նադիրիան» Ա/Ձ-ի անվամբ ՀՀ ներմուծված և փաստացի ԵԱՏՄ ԱՏԳ ԱԱ 078200000 ծածկագրի տակ դասակարգվող ապրանքը՝ «Արմեն Նադիրիան» Ա/Ձ-ի մաքսային ձևակերպումներ իրականացրած Ալիկ Մամուլյանը 11.05.2019թ. թիվ 05100033/110519/00002543 ապրանքների հայտարարագրով /2-րդ անուն ապրանք/ հայտարարագրել է ոչ ճիշտ ԵԱՏՄ ԱՏԳ ԱԱ 07102200000 ծածկագրով, ինչի հետևանքով առաջացել են մաքսային վճարների պակաս հաշվարկում

28236 ՀՀ դրամի չափով, որից ներմուծման մաքսատուրք /2010/-23530 ՀՀ դրամ, ԱԱՀ /5010/-4706 ՀՀ դրամ /հիմք թիվ Ն/22-4.1/21530-2021 գեկուցագիր/:

Այսինքն՝ Ալիկ Մամուլյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է 10.02.2021թ.-ին կազմված մաքսային կանոնների խախտման արձանագրությամբ, 2019թ. ՀՀ ՊԵԿ ներքին աուդի վարչության կողմից իրականացրած համակարգի գնահատման աուդիտով և 11.05.2019թ. թիվ 05100033/110519/0002543 ապրանքների հայտարարագրով:

Վերոգրյալի հիման վրա և ղեկավարվելով ՀՀ ՎԻՎ օրենսգրքի 37-րդ հոդվածի 3-րդ պարբերության, ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի

1. Ալիկ Մամուլյանին (ՀՀ անձն.՝ AT0293162, հասցե՝ ՀՀ Լոռու մարզ, գ. Գուգարք, 9փ., տուն 5) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների 50 տոկոսի չափով՝ 14118 ՀՀ դրամ:
2. Որոշման մասին հայտնել Ալիկ Մամուլյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

*Սույն որոշմամբ նշանակված տուգանքի վճարման հաշվեհամարն է. **900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):***

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ